



PRES RILIS

-

## **AWENES ABAOT WHOLESAL MO RETAIL PRAES BLONG INTENET**

---

Folem desisen blong Reguleta blong Telekomunikesen, Radiokomunikesen mo Brodkasting or TRBR, long namba 10 Novemba 2017 mo folem Order No. 8 blong 2017, TRBR I bin apruvum praes blong Mbps blong wan manis folem nomo kapasiti we I stap kamaot long submarine cable.

TRBR I mekem desisen ia nomo folem big mo positive risal blong wholesale maket blong bandwidth' long telekom sekta blong Vanuatu, we I lukim moa pipol i iusum mobael fon, blong mekem moa komunikesen tru long toktok, sendem mesesj mo or rikodem pikja.

Plande rikwest ia I stap go tru long ol kampani we oli salem Mobael telefon, mo olgeta we oli provaedem Internet seves mo Gavman tu.

Bigfala diman ia we I lukim moa pipol I gat mo oli iusum plande mobael fon, I leftemap tu data traffic mo ius blong internet, mo olsem risal, moa pipol I regista blong gat internet seves.

Bigfala diman ia I mekem tu se tede TRBR I stap risivim plande komplem I kam long ol pipol we oli gat internet ova long hae praes we ol kampani ia oli stap jajem long maket blong internet long Vanuatu.

Oli stap ripotem se praes blong internet long Vanuatu I hae bitim sam kantri long region olsem Tonga mo Fiji we I afektem development blong telekomunikesen mo ICT long Vanuatu.

Long semtaem, TRBR I stap risivim tu konsen we I kam long ol kampani we I provaedem internet seves se no matta we I gat hae diman I kam long pipol, situesen I no semak wetem blong olgeta kampani we I provaedem internet seves. Hem ia I showem se pipol or ol iusa oli stap risivim plande moa data long ol bundle, no mata we praes hem I stap semak nomo.

TRBR I no mekem wan desisen yet ova long ol konsen ia. Mo Hem I wan long stamba tingting blong TRBR I stap sendemaot infomesen ia, blong karem tingting blong ol stakholda, inkludim ol memba blong pablik, blong helpem TRBR bifo hem I mekem wan desisen.

Blong talem bakeken nomo se TRBR Act No. 30 blong 2009 we palamen I amendem mo I stap long Amendment 22 blong 2018, I givim paoa long TRBR blong skelem mo mekem regulesen long Telekomunikesen, Radiokomunikesen mo Brodkasting blong promotem social mo ekonomik developmen long Vanuatu.

Awenes ia I blong kolektem ol infomesen we bambae I helpem Reguleta blong save mekem wan desisen we I fair, mo I promotem maket kompetisen mo investmen tru long internet seves we I kamaot long submarine cable.

TRBR i stap welkam any tingting mo infomesen we yu save givim I kam long ofis, tru long ol infomesen we I kamaot long rilis ia.

Yu save sendem I kam long ol adres ia;

Email: [consultation@trbr.vu](mailto:consultation@trbr.vu)

Fax: 24470

Tel: 27621 or 27487

P O Box 3547, Port Vila, Vanuatu or

Jekem long website blong TRBR; <https://www.trbr.vu>

Dedlaen blong sendem ol komen mo tingting blong yu, hem i **30 Okis 2019**